

[www.BibleForChildren.org](http://www.BibleForChildren.org)

# Matévu 8



Rurundamu ravichada jamuyada, Canamu, Cadideya mucadimu. Jesus jnodabay vichada variy jasiy. Rimyusuyada jita jamujyomujuni Jesus, sisa datyavavyedabay jarye yisaju.



Rasutyedanumatiy bínujā vadacuja riy, nanutuchoda  
sunoḁabay Jesús variy yiva: “Ne bínujātavay  
jamuvyeñuḁday.” Naniteda Jesús jnoḁabay ruuva  
mútiivyebe variy: “Ratiy sajtay radyenu jiryiva,  
jiryivaatyāta daryá sutedamura.”



Suteda jita Jesús variy ruuva mútiivyebe:

“Jiryamuchanirya japatyu jaata.”

Rimyuchanimyuyada jita samiy panujodeju varintyirya. Suteda jita Jesús ruuva:

“Jiryasay rate ravimusiy, jiryapuchiy simuju bínuja jamira.” Ripyucheda variy simujura.



Santyadanumatiy bínuja jamibay ramu, jiryatiy  
saitudoda Jesús jaamusirya, sanatuyada variñi vadi  
jamuñubay. (Sadatyadatyā  
bínuja jamibay varidye  
tesirya riñi bínuja, tesiy.  
Rityi mutiiyadara, vinu  
riñi jita datyada day.)




Suteda jita bínuja jami variy siva vadi jamuñu:  
“Vumyutiichara munatyara bínuja jiryatiy samijya darya,  
niyubymiñumatiy riryecha  
nijyanvay, variñi jita vuryi  
mútiidyerya jiryatiy ne jaryi  
samijya darya. ¡Nutyu  
jiñi rañi bachadosiy  
diyesarajura  
samijya bínuja,  
nutyu!”



Jesús jotada variy ranchirya mityamusiy dityadoda,  
ratatiy sadyadodara jidyetyada.

Sisa datyavavyedabay  
tuvachoda variy yimu,  
jiryatiy ridyetyada  
Judenu jaryeti daryajuni.



Sajayadanumatiy Jesús variy Pyítrubay  
rorivyimu, sadiyada jita nadiva Pyítrubay  
desedabay nanderuy tiryō saduyadanuy.



Sajatyojada jita nanujomutuniy, raparuyada jita  
saduyada variy nadiva. Nanunubesubeda jita  
variy, nanupotyadededa variy jasiñi Jesús.



Sapuryeyadanumatiy jiñi, varijidye ruuṭitāda simu  
Jesús riy jdivajnuvay ṭitaju, bayantutavay jarye.  
Ṭitaju vichāda janvay  
jutyeryadedā variy  
rorijyutuunuyu.



Samisadedā jīta variryi rajuu jdivajnuvay jasiy,  
jaryedo jdivajadatavay, tavavyasiñi sajatyada riy  
bayantuveda varidye. Subayada Jesús  
bayantuvedajisiryā niquejada, jiryatiy  
ridyetyada daryajuni.




Riryantyada jatyojada nijyanvayuu saniy Jesús,  
jiryatiy rasipyateda vanuyada simusiy, samisadedada  
jita titaju variryi.




Rūtutityiyada simuju varintyiņi  
jurichinintiy daņujuyumusiy.



Ne vanay ruutotada varyi simuni,  
jaryi nijyanvay daryaju vichada sayada.  
Ramutiy ribetyada shiyusiy Jesus  
roritye. Rijyutyadanumatirya  
roriy, rumusadede  
varyi jadchiñi  
jurichinibay,  
jimeyancha.




Sunuyad<sub>u</sub>anumat<sub>i</sub>y Jes<sub>u</sub>s ri<sub>ñ</sub>e<sub>ç</sub>o, jiryat<sub>i</sub>y  
rijechipityajajada şitenu  
misanirya daryajuni,  
şuteda variy siva  
jurichinibay:  
“Jiyuuchueda  
raramiy mitya  
yiva, Pi.”



“Jiryatidye jnyasiy savidye ramityaniy Nijyamidenu  
sivara jiyuuchueda jirya  
mucadimu,” suteda variy  
siva jurichinibay: “Ritay  
yiva: Yanubesumiy,  
yatuchirya jimeya,  
yanuma jiya  
jiryorimyuju day.”




Sumusađanumatiy Jesús cartyevimuju, richiityarijada  
jita sisa datyavayu. Mityamusiy  
rariichósubeda jita jmityomu,  
ramutanuruyada riyerya  
varirya cartye. Jesús  
jita mayada jasiy variy.



Suteda jita Jesús variy ruuva: “¿Tarajura jiryechuvuy,  
pasidye jachipiyavay, taraju?” Sanubesubeda jita  
variy, saniquetyada jitara riicho, jmityo jarye risaju,  
juvayanuma ramachojada jaaj variy.


Rityittada jita vaduy varirya:

“¿Nutyu nijyamina sanicha  
jiñu, nutyu? ¿Nutyi  
ratuvachu riicho simu,  
jmityojaa jarye  
tuvachu simuntiy?”



Tapi savāṭāda Jṛḍenu daryasārajū  
riy mucadiva vichavay, supajada  
variñi jidyenu vinu ṭiqui, ṭitidye  
raṭuvāchusara simu, ne  
saparutachara, santya  
jnujeyāsara junāreju  
variy.

40



60



## Róma 3:21-23

Diye jita radtaday sadyanu Judenu darya nutyuramusiy sajtay samivyevyuy, nutyuramusiy, netimyū ne vutyuvachusara ramu saniquejada titajuntidye. Saniquejadamu jita jiryatij tarij sanuyada Muyisésiberya suteda, riñuyada Judenuju tuchuvabe daryantirya saniquejadantij, ramuni jita datyasara diye darya, nutyuramusiy sajtay Judenu samivyevyuy, nutyuramusiy, jiryatij vutyuvachu daryaju simu Jesucristu. Sajtay Judenu samivye titaju riy rityi tuvachu simu. Ne sajaryeta ti, tapi vuvyichatya jidchavu titaju saju, jiryatij vujyuuchuvamya titaju daryaju, vuchutye varij rivasiy sadanuyada.



## Róma 6:23

Tapi juuchuveda jita murichenutanichara diiyadata vuy, Jüdenü jita say mitya tarijyü jnujeyasara vuy, jiryatij vuryajnujeyasara Vuyntyityü Jesucristumu.

## Ebrévüveda 9:27,28

Daryatij sabayada Jüdenü nijyanvajyuntirya taraquijü diiyadantij, samurichenutanichara rivasiy vuryivaayada murichirya vuy, daryaday savichasara Crístu jnutatyasi jidyiyadivasintyi, satidye puchicharara rajuvay juuchuveda. Saday muti darajuju juuchajsantij, jivyejyü jiryatij rintuyanumucha sajiju jiryentyutyasadaju.



Evésu 2:8,9

Vinu s̄antyutyādamusiy v̄uryamitya mityara v̄ujyuuchueda murichirya, jiryat̄iy v̄utyuvāchoda simu. V̄utyuvāchoda j̄itantiy ne v̄udyirya tuvāchoda darya; J̄udenumusiñuma ran̄icha t̄itaj̄u day. Ne v̄ucyan̄ay vuryivaayadatara, vuñuma jchan̄atyā ranchivȳuy.

Róma 10:9,10

Tapi jiryetyi t̄uchu vijyom̄ujache: N̄in̄i Jesús Nutyitȳu, jiryetyi tuvāchu j̄ijechitya variy ramu jiryat̄iy J̄udenu m̄isadeda diibyimusiñ̄i, jiryāramityaniy variy yivara j̄ijyuuchueda; tapi v̄ujechitya yin̄uy v̄utyuvāchu vase vichas̄adaj̄u, jiryat̄iy s̄utay J̄udenu samivye varivȳuy, v̄ujȳuta v̄utȳuchu vijyom̄ujachera v̄ujechipiyaj̄ada, juuchueda ramityadedaj̄u.



## Juán 3:16,17

Tapi savatada Judenu daryasaraju riy mucadiva vichavay, supajada variñi jidyenu vinu tiqui, titidye ratuvachusara simu, ne saparutachara, santya jnujeyasara junareju variy. Tapi supajada Judenu jirya mucadimujuni jidyenu, ne nijyanvay jiyaroju, satidye parutajay rijyuuchueda murichiryayu. Supajada jita riryantyutyijuni.

## 1 Juán 5:11-13

Satuchutaniy Judenu daryaju jicheyada vuy junareju jnyadaju sadenumuju. Minityi Judenu denuti yimu, junareju jnyadati risaju varintyiñi; minityimyu ne sadenuti, dantyamuy ne junareju jnyadati varintyiñi. Rañuyasiy jiryeyura jirya, jiryatidye datya jiryenicha junareju jnyadatavay, jiryatiy jiryetyuvachu daryaju Judenu denu jtyamu.



Matévu 8-9; Márcu 1-2, 4; Dúcasiy 4, 8; Juán 2

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: E. Frischbutter, Sarah S.

Yagua NT (yad) © 1994, Wycliffe Bible Translators, Inc.  
All rights reserved.

<https://live.bible.is/bible/YADTBL/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

